

На литии

стихиры самогласны, глас 2:

Иже светом Твоим всю вселенную освятív,/ на горе висоце преобразился еси, Блáже,/ показав учеником Твоим сíлу Твою,/ яко мир избавляеши от преступлénия./ Темже вопием Ти: милосерде Господи, // спаси души наша.

Иже на горе Фаворстей преобразься во славе, Христе Бóже,/ и показав учеником Твоим славу Твоего́ Божества́,/ озари и нас светом Твоего разумénия,/ и настави на стезю за́поведей Твои́х, // яко един Благ и Человеколюбец.

Иже прежде солнца Свёт Христós,/ телесне на земли жítельствуя,/ и прéжде креста вся яже страшнаго смотрénия,/ совершив боголепно, днесь на Фавóрстей горé,/ тайно Троицы образ показу́я:/ изыщныя бо трí ученикí,/ Петра и Иакова и Иоáнна,/ на ню возвел есí наединé,/ и máло скрыв плоти восприя́тие,/ преобразился еси пред ними, являя началообразныя доброты благолéпия,/ и то не всесовершенство:/ óво извествуя тыя, вку́пе и щадя́,/ да не како со зраком и еже жити погубят,/ но яко можаху вмещáти,/ телесныма очима стерпя́ще./ И пророков верховныя Моисея и Илию привёл есí,/ прекословне свидетельствующия Егó Божество́:/ и я́ко Той есть истинное Отческаго существа сия́ние,/ господствуяй живыми и мёртвыми./ Тем и облак якоже сень объят их,/ и глас свыше Отець из облака шумно предсвидетельствующ и глаголющ:/ Сей есть, Егоже нетленно из чрева прежде денницы родíх,/ Сын возлюбленный Мой:/ Егоже послах спасти во Отца и Сына и Духа Святаго крещáемья,/ и исповедающия вёрно,/ яко нераздельна есть едина держа́ва Божества́,/ Того послу́шайте./ Сам убо человеколюбче, Христе Бóже,/ и нас озари светом неприступныя Твоея сла́вы,/ и достойны покажи наслéдники // безконечнаго Царствия Твоего, я́ко преблáг.

Слава, глас 5:

Приидите взыдем на гору Господню,/ и в дом Бога нáшего,/ и ўзрим славу Преображénия Егó,/ славу яко Единорóднаго от Отцá:/ светом при́имем Свёт,/ и возвы́шени бывше Дúхом, // Троицу единосущную воспо́им во вéки.

И ныне, глас тойже:

Закона и пророков Тя́, Христé,/ творца и исполнителя свидéтельствования,/ зря́ще во óблаце,/ Моисей Боговидец и Илия огнеколесни́чник,/ и неопальный небошэственник,/ в Преображénии Твоем:/ с нимиже и нас Твоего просвещения сподóби, // Владыко, пéти Тя во вéки.

На стиховне

стихиры самогласны, глас 1:

Иже древле с Моисеом глаго́лавый/ на горе Синайстей о́бразы:/ Аз есмь, глаго́ля, Сый,/ днесь на горе Фаворстей преобра́жся прѣд ученики́,/ показá началообразную доброту зра́ка,/ в Себе восприим челове́ческое существо́./ И таковыя благодати свидетели поставль, Моисѣа́ и Илию́,/ о́бщники творяше весѣ́лия,/ провозвещающия славное креста ради, // и спасительное воскресение.

Стих: Твоя суть небеса, / и Твоя есть земля.

Твоего Единороднаго Сына провидев Духом, плотское к человеку пришествие, богоотец Давид, издалеча к веселию созывает тварь, и пророчески взывает: Фавор и Ермон о имени Твоем возрадуются. На сию бо возшед гору, Спасе, со ученики Твоими, очерневшее Адамово естество, преобразься облистати паки сотворил еси, претворив е в Твоего Божества славу же и светлость. Темже вопием Ти: Содетелю всяческих, Господи слава Тебе.

Стих: Фавор и Ермон / о имени Твоем возрадуется.

Неодержимое Твоего светолития, и неприступное Божества зряще апостолов лучшие, на горе Преображения, безначальне Христе божественным изменишася ужасом, и облаком осиявшеся светлым, глас слышаху Отець, известующ таинство Твоего вочеловечения, яко един еси и по воплощении Сын Единородный, и Спас мира.

Слава, и ныне, глас 6.

Петру и Иакову и Иоанну, / лучшим учеником Твоим, Господи, / днесь показал еси на горе Фаворстей / славу Божественнаго Твоего зрака: / видят бо ризы Твоя облиставшия яко свет, / и лице Твое паче солнца, / не терпяще зрети нестерпимое Твоего сияния, / на землю низпадаху, никакоже зрети могуще. / Глас же слышаху свидетельствующ свыше: / Сей есть Сын Мой возлюбленный, // пришедый в мир спасти человека.

На благословении хлебов, тропарь, глас 7:

Преобразился еси на горѣ Христе Бóже, / показавый учеником Твоим сла́ву Твою, / я́коже можа́ху: / да возсияет и нам грѣшным / свѣт Твой присносу́щный, / молитвами Богоро́дицы, // Светода́вче, слава Тебе. **Трижды.**

На Утрени

на Бог Господь тропарь праздника, глас 7:

Преобразился еси на горé Христе Бóже,/ показавый учеником Твоим славу Твою,/ я́коже можа́ху:/ да возсияет и нам грéшным/ свёт Твой присносúщный,/ молитвами Богорóдицы,// Светода́вче, слава Тебе. Дважды. Слава и ныне: Тойже.

Величание

Велича́ем Тя,/ Живода́вче Христé,/ и почита́ем пречисти́я плóти Твоея́// пресла́вное преображе́ние.

Псалом избранный:

Вéлий Господь и хва́лен зело́, во гра́де Бóга на́шего, на святой горе Его./ Приёмля крóткия Господь, смире́нныя же возно́сит./ Кто взы́дет на го́ру Господню, или́ кто ста́нет на ме́сте святéм Его?/ Гóсподи, кто обита́ет в жили́щи Твоём?/ Или́ кто вселит́ся в горé святéй Твое́й?/ Посли́ свет Твой и и́стину Твою́./ Просвещáеши Ты дивно́ от гор вéчных./ Вселéнную, и исполне́ние ея́ Ты основа́л еси́./ Фаво́р и Ермо́н о и́мени Твоём возра́дуется./ Гóсподи, во свéте лица́ Твоего́ по́йдут./ И о и́мени Твоём возра́дуются весь день.// И бу́ди свéтлость Гóспода Бóга на́шего на нас, от ны́не и до ве́ка.

Степенна, 1-й антифон 4-го гласа.

Прокимен, глас 4: Фавор и Ермон,/ о имени Твоем возрадуется.

По 50-м псалме:

Сла́ва Отцу́ и Сыну́ и Святому́ Ду́ху./ Вся́ческая днесь радости испо́лнишася,/ Христос преобрази́ся пред ученики́.

И ны́не и присно́ и во веки веко́в. Ами́нь./ Вся́ческая днесь радости испо́лнишася,/ Христос преобрази́ся пред ученики́.

Помилуй мя Боже:

Стихира самогласна, глас 5:

Божества Твоего, Спа́се,/ малу́ зарю́ обнажи́в,/ совозшедшим с Тобою́ на го́ру,/ премирны́я Твоея́ славы сотворил еси́ рачи́тели./ Темже ужасно зовя́ху:/ добро́ есть нам зде бы́ти./ С нимиже и мы Тебе преображшаго́ся Спа́са Христá// поём во веки.

Канона два, кир Космы, глас 4: и кир Иоанна, глас 8. Ирмосы обою канонов по дважды: тропари вси поем на 12.

Песнь 1.

Ирмос, глас 4: Лицы израильстии,/ невлажными стопами/ понт Чермный, и влажную глубину прогнавши,/ всадники тристаты/ враги видяще в ней погружены,/ с веселием пояху:// поим Богу нашему, яко прославися.

Катавасиа, глас 8: Крест начертав Моисей,/ впрямо жезлом Чермное пресече,/ Израилю пешеходящу,/ тоже обратно фараоновым колесницам/ ударив совокупи,/ вопреки написав непобедимое оружие.// Тем Христу поим Богу нашему, яко прославися.

Песнь 3.

Ирмос: Лук сильных изнеможе,/ и немощствующии препоясашася силою:// сего ради утвердися в Господе сердце мое.

Катавасиа: Жезл во образ тайны приемлется,/ прозябением бо предразсуждает священника:/ неплодящей же прежде Церкви,/ ныне процвете древо Креста,// в державу и утверждение.

Песнь 4.

Ирмос: Услышах славное смотрение Твое, Христе Боже,/ яко родился еси от Девы,/ да от лести избавиши зовущия:// слава силе Твоей, Господи.

Катавасиа: Услышах, Господи,/ смотрения Твоего таинство,/ разумех дела Твоя// и прославих Твое Божество.

Песнь 5.

Ирмос: От света пресекий первородный свет,/ яко во свете дела поют Тя, Христе Содетеля:// во свете Твоем пути наша направи.

Катавасиа: О треблаженное древо,/ на немже распяся Христос, Царь и Господь,/ Имже паде древом прельстивый:/ тобою прельстився,/ Богу пригвоздившуся плотию,// подающему мир душам нашим.

Песнь 6.

Ирмос: Внегда скорбѣти ми,/ возопих ко Гóсподу,// и услыша мя,
Бог спасѣния моего.

Катавасиа: Воднаго зверя во утрóбе,/ длани Иона крестовíдно рас-
простѣр,/ спасительную страсть проображаше я́ве./ Тем триднѣвен
изшѣд,/ премирное воскресение прописáше,/ плотию пригвожден-
наго Христа Бóга,// и тридневным воскресением мíр просвѣщаго.

Кондак, глас 7. Самогласен:

**На горѣ преобразýлся еси,/ и якоже вмещаху ученицы́ Твои,/ сла́ву
Твою, Христе Боже, вíдеша:/ да егда Тя узрят распина́ема,/
стра́дание убо уразумеют вóльное,/ мíрови же проповѣдят:// яко ты
еси воистинну Отчее сияние.**

Песнь 7.

Ирмос: Авраамстии иногда в Вавилоне óтроцы/ пещный пламень
попраша, песньми взывáюще:// отец наших Бóже, благословѣн еси.

Катавасиа: Безумное велѣние/ мучителя злочестиваго лю́ди поко-
лебá,/ дышущее прещение и злохуление богомѣрзкое:/ обаче три
отроки не устраши ярость звѣрская,/ ни огонь снѣдáяй,/ но противо-
дышущу росоносному Дúху,/ со огнем суще поя́ху:// препетый от-
цев и нас Бóже, блáгословен еси́.

Песнь 8.

Ирмос: В Вавилоне отроцы Божественною распалями рѣвностию,/ мучителя и пламене прещения мужески попрáша,/ и посреде огня
ввѣржени,/ орошаеми поя́ху:// благословите, вся дела Госпóдня
Господа.

Хвалим, благословим:

Катавасиа: Благословите, óтроцы,/ Трóицы равночísленнии,/ соде-
теля Отца Бóга,/ пойте снизшедшее Сло́во,/ и огонь в рóсу пре-
твóршее,/ и превозносите всем жизнь подавáющаго,// Духа Всесвя-
та́го, во вѣки.

На 9-й песни Честнейшую не поем, аще и в неделю, но поем припев праздника:

Диакон глаголет: Велича́й душе моя,/ на Фаво́ре преобразившагося Го́спода.

Песнь 9.

Ирмос: Рождество Твое нетленно яви́ся:/ Бог из боку Твоею про́йде,/ яко плотоносец явился на земли,/ и с челове́ки поживе.// Тя, Богородице, тем непреста́нно велича́ем.

Припев: Велича́й душе моя,/ на Фаво́ре преобразившагося Го́спода.

Катавасия: Таин еси, Богоро́дице, ра́й,/ невозделанно возрастивший Христа́,/ Имже крестное живоносное на земли насади́ся дре́во,/ тем ныне возно́симу// поклоняющеся ему Тя́ велича́ем.

Светилен:

Свете неизменный Слове, Света Отца нерожденна, в явленнем свете Твоем, днесь на Фаворе Свет видехом Отца, Свет и Духа, светом наставляющаго всю тварь. [Трижды.]